

防風茅元儀輯

占度載

占三十

奇門

茅子曰奇門之說昭然于天下也而精之者寡非學之者不衆也蓋其故有三飛官之法合于洛書然其離合變化雖至熟者而或消其難一超神棲氣奇門之本也而置閏之法曆家專門之所難而

欲定于倉卒其難二分局定盤說亦瑣矣約之者欲以十八局而盡一千八十局之變廣之者雖以千八十局而不足以究十八局之微其難三兼之推明其吉凶則首趨避首趨避則事符呪事符呪而尅應步罡諸說襍興其言驗而不可以訓也其言不驗而不可以傳也于是而精者寡矣有得我同然者著玄覽其衡子以定宮至簡也酌法以置閏至明也因盤以布局至約也明乎三者而思過半矣景祐遁甲符應經者宋景祐時人所著也博

而標卓哉莫之過也刪其起例同于玄覽者而爲之纂于是乎言奇門而不精非教之罪也六甲者貴神也六丁者尤貴者也乘造化之精靈而幹運陰陽之際得其竅可以制之其專門之學有煉器煉形祭禱符籙要之皆奇門之緒也存其約略而不詳所以訓所以傳也奇門玄覽一

釋義第一

凡例第二

口訣第三

圖式第四

閏奇第五

諸格第六

註解第七

釋義第一

通甲者何

天干凡十甲爲之首統領諸干至尊至貴其所畏者獨庚金耳故須遁置其甲勿使受尅於庚然乙爲甲妹可以配之使其情有所牽丙丁

爲甲男女可以制之使其勢不得肆故以乙丙一爲三奇又十干中戊己庚辛壬癸乙丙丁皆專制用事而甲無專位與六干同處甲子同六戊甲戌同六己甲申同六庚甲午同六辛甲辰同六壬甲寅同六癸又以六十花甲子布於九宮起宮爲甲子遁一位爲甲戌又遁一位爲甲申之類皆有遁甲之義獨餘乙丙丁無與同者亦三奇之義也八門者休生傷杜景死驚開也九星者天蓬天芮天衝天輔天禽奇坤天心天柱天任天英也九星八門在地盤原有定位如休門天蓬屬坎之類此一定不易者其在天盤則隨直符直使所指與地盤參錯相值而吉凶生焉乙爲日奇丙爲月奇丁爲星奇三奇若遇休開生三門謂之奇與門合休一在坎屬水開六在乾屬金生八在艮屬土卽曆家所謂三白也又八詐門者直符騰蛇太陰六合勾陳朱雀九地九天是也此直符隨九星直符所指陽則順旋陰則逆轉其中九天九地六合太陰爲吉若得奇得門而又直此四位是爲全吉然又有

反吟伏吟休囚旺相擊刑迫制之類不可不察神而明之變而通之存乎其人耳

凡例第二

一夏至後陰遁用逆局只在九宮上逆數若移入八卦數方位不拘陰陽二局皆當順行

一九星在九宮者其序天蓬天芮天衝天輔天禽天心天柱天任天英以坎坤震巽中乾兌艮離爲次

一九星在八卦數方位者其序天蓬天任天衝天

輔天英天芮天柱天心五宮天禽無位寄在坤二

宮與天芮同處以乾坎艮震巽離坤兌爲定

一六儀三奇皆在九宮掌上照順逆循次排布待符使既定然後移入八卦順數方位也

一六儀甲子同六戊之類六甲與六干只同一位順則俱順逆則俱逆舊時分開兩次排布今製奇子合而爲一極爲省便

口訣第三

先觀二至以分順逆

冬至後爲陽遁順布六儀、逆布三奇、夏至後陰遁逆布六奇、順布三奇、

次觀節氣以定三元、

一、省上中下三局也、五日爲一候、三候爲一氣、一月有二氣、一年有二十四氣、此法以甲巳二將爲符頭、符頭所臨之支、如值子午卯酉、則爲上元、如值寅申巳亥、則爲中元、如值辰戌丑未、則爲下元、五日一換符頭、故半月一氣而三局周也、假如冬至節用事、按起例云、冬至一七

武備志卷一七七

五

四是一爲上元、七爲中元、四爲下元、本日符頭是上元、用一字、則從坎宮起、是中元、用七字、則從兌宮起、是下元、用四字、則從巽宮起、餘倣此、次觀旬首以取符使、

旬首者用事之時、所管之六甲也、看本時旬首是何甲、卽從應起之官、依陽順陰逆數之、旬首所泊之官、星卽爲直符、門卽爲直使、如在坎宮、則天蓬爲直符、休門爲直使、餘倣此、直符隨時干、

看所用時干、泊在地盤何宮、卽以天盤直符移在此宮、却從八卦數之、則乙丙丁三奇所臨之方見矣、

直使隨時官、

看所用時辰、泊在地盤何宮、卽以天盤直使移在此宮、却從八卦數之、則休開生所臨之門見矣、

小直符加大直符、

以八詐門之直符、加於九星直符所臨之宮、陽

武備志卷一七七

奇門玄覽二

六

順陰逆、則六合太陰九天九地之方見矣、

九 乾六 兌七 艮八 離九

宮 中五

序 巽四 震三 坤二 坎一

右九宮者八卦之用、所謂動則依次而行、

八 坤二 兌七 乾六

卦 離九 坎一

方 巽四 震三 艮八

位 右八卦者、九宮之體、所謂靜則隨方而定、

定三元上中下局便覽

陽道順局

冬至一七四 小寒二八五

大寒三九六
春分四一七

立春人五二 雨水九六三

陰道逆局

夏至九三六 小暑八二五

大暑七一四
秋分六九三

立秋二五八 處暑一七四

白露九三六 小暑八二五

霜降五八二 大雪四七一

七

此為起官要訣舊載不明令人茫然無下手處今特為揭出大抵以九宮分管二十四氣數法先認八節所屬之卦如立春艮春分震之類既已明白然後遇冬至後則順數節氣而逆數吊官夏至後則逆數節氣而順數吊官吊官者即三合宮一七四之類也但遇八節當尋本位其餘挨次數之庶不差耳此法簡便指掌可見不必苦記前訣也


圖式第四

地盤圖



地盤內列九星八門原定之位靜而不動又增八刑制衝墓諸忌天盤臨之便知趨避

天星盤圖



此天盤九星隨時于直符所指而轉移

武備子心卷三十七 占度藏 奇門玄覽

八

超神接氣直指

奇門之法有正授有超神有閏奇有接氣正授之後超神繼之超神之後閏奇繼之閏奇之後接氣繼之接氣之後復爲正授符頭甲巳正對節氣謂之正授此後則符漸漸過節而爲超神矣超至九日及十餘日則當置閏以其離後節氣太遠故必有閏然後可配氣候與曆家閏法同然置閏必在芒種大雪之後二至之前其餘節氣雖遇超至九日之外不可置也此法乃用奇之關鍵再一不悟

武備志卷之七 占文 奇門之法

十一

則差之毫釐謬於千里矣

假如萬曆己丑年正月初二庚戌日辛巳時用事係冬至後陽遁順局符頭係巳酉管事本月初六日交雨水節上局乃超神也從九宮起順布六儀戌在離巳在坎庚在坤辛在震壬在巽癸在中宮逆布三奇乙在艮是爲任乙丙在兌是爲柱丙丁在乾是爲心丁地盤艮兌乾三宮有奇辛巳時旬首係甲戌泊在坎宮以天蓬爲直符休門爲直使辛時干泊在震以天盤天

直符加在地盤震宮順數任在巽是天任星帶艮之乙奇到巽衝在離輔在坤英在兌丙在乾柱在坎是天柱星帶兌之丙奇到坎心有艮是天心星帶乾之丁奇到艮三奇在地盤者今隨天盤旋轉而在巽坎艮三方矣辛巳時宮泊在艮以直使休門加地盤之艮順數生在震傷在巽杜在離景在坤死在兌驚在乾開在坎艮得丁奇而逢休門謂之休與星合坎得丙奇而逢開門謂之開與月合俱吉獨巽雖得乙奇而逢

武備志卷之七 占文 奇門之法

十一

傷門未爲全吉再以八詐門直符隨九星直符在震宮順數則騰蛇在巽太陰在離六合在坤勾陳在兌朱雀在乾九地在坎九天在艮坎艮二宮既合奇門而又逢九地九天爲全吉也又天盤丙加地盤甲戌直符爲鳥跌穴尤爲合格假如萬曆己丑年十一月初六庚戌日戌寅時用事本日符頭是巳酉當用上局查十月二十九癸卯日已交大雪節氣從十月二十日甲午爲大雪超神上局二十五日已亥大雪中局三

十日甲辰大雪下局，三局已完，今十一月初五日酉以後，似當作冬至上局，不知符已超節九日，正當置閏，故自初五日巳酉至初九日癸丑，不作冬至上局，而為大雪閏奇上局，初十日甲寅至十四日戊午為大雪閏奇中局，十五日巳未至十九日癸亥為大雪閏奇下局，直到二十日甲子方作冬至上局，然十四日戊午已交冬至節，則符在節後五日矣，此所謂接氣也，今以初六庚戌日戊寅時為例演之，係夏至後未交

武備志卷一七七

占度載

奇門玄覽

十一

冬至尚用陰遁逆局，從四宮巽起六儀，戊在巽，已在震，庚在坤，辛在坎，壬在離，癸在艮，乙奇在中宮寄坤，丙奇在乾，丁奇在兌，本時戊寅，其旬首係甲戌，泊在震宮，天衝為直符，傷門為直使，時干戊泊在巽，以天衝直符加巽，輔在離，英在坤，芮在兌，是天芮星帶中宮之乙奇到兌，杜在乾，是天柱星帶兌之丁奇到乾，心在坎，是天心星帶乾之丙奇到坎，蓬在艮，任在震，時宮戊寅，在艮宮，以直使傷門加艮，杜在震，景在巽，死

在離，驚在坤，開在兌，休在乾，生在坎，乙奇到兌，逢開門，是謂開與日合，丁奇到乾，逢休門，是謂休與星合，丙奇到坎，逢生門，是謂生與月合，俱吉，然生門屬土，臨坎宮，乃門制其宮，謂之迫，此未盡善也，又以八詐門之直符，隨九星直符在巽逆行，騰蛇在震，太陰在艮，六合在坎，勾陳在乾，朱雀在兌，九地在坤，九天在離，則坎宮有奇門，又逢六合，正北方大吉，餘倣此。

武備志卷一七七

占度載

奇門玄覽

十四

用奇門法，惟超接氣最難曉，今立假如二篇，前篇為超神之例，後篇為置閏接氣之例，即此推之，而正授不待言矣。

附日家八門歌訣

甲戌壬子起坎 丁辛乙卯坤休
庚申戊午震宮求 巽到癸丁辛酉
丙庚鼠行乾上 巳癸兔走西疇
丙寅騎馬艮山頭 乙巳雞飛離九
其法一卦管三日，如甲子乙丑丙寅三日，於坎宮起休門，丁卯戊辰巳巳三日，於坤宮起休門。

只依九宮次序去中五不用待休門既定然後從八卦定方位也

附日家九星詩訣

甲子艮宮加太乙

攝提軒轅招搖遊

天符青龍咸池繼

太陰天乙順行流

九星太乙青龍太陰天乙為吉軒轅招搖中平

其餘凶如甲子日以太乙加艮宮順行只在九

宮上數捷法甲子艮甲戌離甲申坎餘倣此

右日家奇門不甚重然得全此更妙故附錄

於此

武備志卷一百七十八

十五

武備志卷一百七十八

防風茅元儀輯

占度紀

占三十一

奇門玄覽二終

諸格第六

吉格

龍迴首

甲直符加地盤丙奇

鳥跌穴

丙奇加地盤甲直符

武備志卷一百七十八 占度紀 占奇門玄覽二

天遁

生門與本奇臨戊

又開門與六丙合

地遁

開門與乙奇臨己

人遁

休門與丁奇臨太陰

神遁

生門與丙合九天

鬼遁

生丁合艮逢九地

風遁

休門生臨巽合乙奇

雲遁

休開生與乙奇合辛

龍遁

休門與乙奇合坎甲

虎遁

休門與乙奇合坎辛

三奇得使

乙奇加甲戌 丙奇加甲申 丁奇加甲辰

玉女守門

天盤使門加地丁 號爲玉女守門亨
若作陰私和合事 請君但向此方行

三天門

本月將名起時支 十二月將順數遍
太冲小吉與從魁 三方避禍天門便

地四戶

武備志卷一七八 占奇門五覽三

用時支上加月建 除滿平定執破危

成收開門順數去 除定危門地戶宜

地私門

六合太陰太常君 三辰名曰地私門

以日家陰陽貴人加於本貴之支陽貴順輪十

二支尋三辰陰貴逆輪十二支尋三辰總有十

二辰捷法貴騰朱六勾青空白常玄陰后也

貴人

甲戌庚牛羊 乙巳鼠猴鄉 丙丁猪雞位

壬癸兔蛇藏 六辛逢馬虎 此是貴人方

陽貴人

庚戌逢牛甲見羊 乙猴巳鼠丙雞方

丁猪癸蛇壬是兔 六辛逢虎貴爲陽陰貴反是

冬至後用陽貴人夏至後用陰貴人

太冲天馬

將支加在用時支 順行十二逢卯止

卯止之宮天馬宮 出行避難宜從此

急則從神

武備志卷一七八 占奇門五覽三

直符及天乙所在宮宜從此出

八門旺相

立春生門旺 夏至景門旺 立秋死門旺

秋分驚門旺 春分傷門旺 立夏杜門旺

立冬開門旺 冬至休門旺

九星旺相

相於本月 旺於子月 死於父母月

休於財月 囚於鬼月

天輔時有罪能釋之

甲巳日巳巳時 乙庚日甲申時

丙辛日甲午時 丁壬日甲午時

戊癸日甲寅時

凶格

龍逃走 乙奇遇辛

虎猖狂 辛遇乙奇

蛇夭矯 癸見丁奇

雀投江 丁奇見癸

焚入白 丙奇加庚

白入焚 庚加丙奇

歲格 庚臨歲干

月格 庚臨月干

日格 庚臨日干 伏干同

時格 庚臨時干

大格 庚加六癸

上格 庚加六壬

刑格 庚加六巳

奇格 六庚加三奇

飛干格 日干加庚

伏干格 庚臨日干

符勃 丙加天乙

飛勃 天乙加丙

天乙伏宮 庚臨直符

天乙飛宮 直符加庚

時墓 當用時干墓有壬

戊戌 壬辰 丙戌 癸未 丁丑

奇墓

乙奇加二宮及六宮 丙奇加六宮

六儀擊刑

甲午直符三 甲申直符八 甲戌直符二

五不遇

時干尅日干

天綱四張

六癸臨時干

地綱遮

六壬臨時干

孤虛法

空亡為孤、對衝為虛、如甲子旬、孤戌亥、虛巳辰、六甲倣此

宮迫

開門臨三宮 休門臨九宮 生門臨一宮

傷門臨二宮 景門臨七宮 死門臨一宮

驚門臨三宮 杜門臨八宮

直符相衝

如天盤甲子、加地盤甲午、或天盤甲午、加地盤

武備志卷一七八 占度紀占奇門玄覽二

六

甲子之類、此為符衝、又如直符在天盤坎、加地盤離之類、亦是、即反吟也、

伏吟

星不動 門亦然

反吟

星反對 門亦然

註解第七

煙波釣叟歌

軒轅黃帝戰蚩尤、涿鹿經年苦未休、偶夢大神授

術家好為此言

符訣登壇致祭謹虔修神龍負圖出洛水、彩鳳御書碧雲裏、因命風后演成文、遁甲奇門從此始、一千八十當時制、太公刪成七十二、陰陽二遁、各有九局、每局有四節氣、總之七十二局、又一年二十四氣、每氣分上中下三局、亦同此數、

速於漢代張子房、一十八局為精藝、

此即陰陽二遁、各有九局、合之十八局、

先須掌上排九宮、縱橫十五在其中、

武備志卷一七八 占度紀占奇門玄覽二

七

九宮之數、坎一坤二震三巽四中五乾六兌七艮八離九、以一合九、以二合八、以三合七、以四合六、皆成十數、以中五乘之、各得十五、若在八卦橫觀之、則下方乾坎艮十五也、中方兌中震十五也、上方坤離巽十五也、縱觀之、則左方艮震巽十五也、中方離中坎十五也、右方坤兌乾十五也、又斜觀之、則乾中巽十五也、艮中坤皆為十五也、乃天地生成自然之數、非纖毫智力所能損益也、

次將八卦輪八節一節統三爲正宗

八卦管八節如立春艮春分震立夏巽夏至離
立秋坤秋分兌立冬乾冬至坎是也一節統三
而后二十四氣全也

陰陽二遁分順逆

冬至後陽遁順行夏至後陰遁逆行

一氣三元人莫測

五日一候三候一氣以甲巳爲符頭遇壬午卯
酉爲上元遇寅申巳亥爲中元遇辰戌丑未爲

下元故半月一氣三候而三元周也

五日都來換一元

符頭五日一更故五日換一元

接氣起神爲準的

符與節正對爲正授符在節前爲起神符在節
後爲接氣又二至之前有閏奇詳在前欵

認取九官分九星八門又逐九星行

九星天蓬屬坎乃休門天芮屬坤乃死門天衝
屬震乃傷門天輔屬巽乃杜門天禽屬中宮無

門寄居坤二天心屬乾乃開門天柱屬兌乃驚
門天任屬辰乃生門天英屬離乃景門名有定
位

九星逢甲爲直符八門直使共官評符上之門爲
直使十時一換堪憑據

既按氣候定三元矣卽觀用時之旬首是何甲
如甲子甲戌之類旬首所迫之官其星爲直符
其門爲直使如在坎官則蓬爲直符休爲直使
十時一換遇甲則換旬首也

直符常遣加時干

以天盤直符加地盤時干所在之官

直使每加時支位

以天盤直使加地盤時支所在之官

六甲元號六儀名三奇卽是乙丙丁

甲子同六戊甲戌同六巳甲申同六庚甲午同
六辛甲辰同六壬甲寅同六癸是謂六儀

陽遁順儀奇逆布陰遁逆儀奇順行

冬至後陽遁順布六儀逆布三奇夏至後陰遁

逆布六儀順布三奇

吉門偶爾合三奇直此須云百事宜更合從傍加檢點餘官不可有微疵

如刑制墓迫之類

三奇得使誠堪取六甲遇之非小補乙逢犬馬兩鼠猴六丁玉女騎龍虎

天盤乙奇臨地盤甲戌甲午丙奇臨甲子甲申丁奇臨甲辰甲寅爲三奇得使

又有三奇遊六儀號爲玉女守門扉若作陰私和

合事請君但向此中推

丁奇號玉女天盤直使門逢地盤丁爲玉女守門

天三門今地四戶問君此法歸何處太冲小吉與從魁此是天門私出路

十二支神天罡辰太乙巳勝光午小吉未傳送申從魁酉河魁戌登明亥神后子大吉丑功曹

寅太冲卯以月將加時支順數逢太冲小吉從魁是天門方

地戶除危定與開舉事皆宜從此去

用時支上加月建順數遇除定危開是地戶方六合太陰太常君三辰元是地私門

十二神貴人騰蛇朱雀六合勾陳青龍空亡白虎太常玄武太陰神后以日家貴人加於本貴

之支陽貴順輪陰貴逆輪尋三辰所泊之方更得奇門相照耀出門百事總欣欣太冲天馬總

爲貴卒然有難難逃避但當乘取天馬行劍戟如山不足畏

以本月將支加在用時之支順行逢卯卽止是天馬方也此以上詳見前款

三爲生氣五爲死盛在三兮衰在五能識趨三避五時造化真機須記取

趨三者休開生三門也避五者五宮無位寄居坤二乃死門凡符使若到五宮此時宜避不可

用

就中伏吟爲最凶天蓬加着地天蓬天蓬若到天英上須知卽是反吟宮八門伏吟皆如此生在生

門死在死、假令吉宿得奇門、萬事皆凶不可使、
伏吟者、天盤與地盤一樣、反吟者、天盤與地盤
反對、星與門皆然、

六儀擊刑何太凶、甲子直符愁向東、戊刑在未申
刑虎寅巳辰辰午刑午、

天盤甲子直符臨地盤震、是子刑卯、甲戌臨未、
甲申臨寅、皆相刑辰、辰午午自刑也、

三奇入墓好詳推、乙日那堪見未時、丙奇屬火火
墓戌、此時諸事不須爲、

乙日用事忌用未時、木庫在未也、丙戌同此、

更嫌六乙來臨六、月奇臨六亦如之、

六乃乾宮也、屬於戌、乙陰木庫戌、月奇丙亦庫
戌也、

又有時於入墓宮、課中時下忌相逢、戌戌壬辰兼
丙戌、癸未丁丑同一凶、

此五時不可用、

五不遇時龍不精、號爲日月損光明、時干來尅日
干上、甲日須知時忌庚、丁忌癸、今戌忌甲、乙忌辛

今丙忌壬、

時干尅日干、陽忌陽、陰忌陰、最忌、

忌與門今共太陰、三般難得總加臨、若還得二亦
爲吉、舉措行藏必遂心、

得奇得門又遇八詐門之太陰爲全吉、

更得直符直使利、兵家用事最爲貴、常從此地擊
其衝、百戰百勝、君須記、天乙之神所在宮、大將宜

居擊對衝、假令直符居離九、天英坐取擊天蓬、

天乙即直符所到之宮、出兵宜坐此擊敵於對

冲之方、

甲乙丙丁戊陽時、神居天上要君知、坐擊須憑天
上奇、陰時地下亦如之、

時干遇甲乙丙丁戊屬陽、若出兵坐天盤上之
奇方、遇巳庚辛壬癸屬陰、當坐地盤之奇方、

若見三奇在五陽、偏宜爲客、自高強、忽然逢着五
陰位、又宜爲主、好裁詳、

五陽、即甲乙丙丁戊、若三奇在五陽、利爲客、先
敵而發也、五陰、反是、

直符前三六合位太陰之神在前二後一官中爲
九天後二之神爲九地九地之上好揚兵九地潛
藏可立營伏兵但向太陰位若逢六合利逃形
此以八詐門言之惟太陰六合九地九天爲吉
亦各有所用也

天地人分三遁名天遁月精華蓋臨地遁日精紫
微蔽人遁當知是太陰生門六丙合六戊此爲天
遁自分明開門六乙合六巳地遁如斯而已矣休
門六丁共太陰欲求人遁無過此要知三遁何所
宜藏形遁跡斯爲美

九遁詳見前款

庚爲太白丙癸惑庚丙相加誰會得六庚加丙白
入癸六丙加庚癸入白白入癸兮賊卽來癸入白
兮賊須滅丙爲勃兮庚爲格格則不通勃亂逆丙
加天乙爲直符天乙加丙爲飛勃庚加日干爲伏
干日干加庚飛干格加一宮兮戰在野同一宮兮
戰在國庚加直符天乙伏直符加庚天乙飛庚加
癸兮爲大格加巳爲刑最不宜加壬之時爲上格

又嫌歲月日時遲更有一般奇格者六庚慎勿加
三奇此時若也行兵去匹馬隻輪無返期六癸加
丁蛇天矯六丁加癸雀投江六乙加辛龍逃走六
辛加癸虎猖狂請觀四者爲凶殺百事逢之總不
祥丙加甲兮鳥跌穴甲加丙兮龍回首只此二者
是吉神爲事如意十八九

已上吉凶款目詳見前

八門若通休開生諸事逢之總稱情傷宜捕獵終
須獲杜好邀遮及隱形景上投書并破陣驚能擒

武備志卷之六十八 占筮紀 奇門 五十五

十五

訟有聲名若問死門何所主只宜吊死與行刑
此言八門惟休開全三門爲吉然亦各有所宜
用

蓬任衝輔會陽星英芮柱心陰宿名輔貪心星爲
上吉衝任小吉未全亨大凶蓬芮不堪遇小凶英
柱不精明

此別九星之吉凶

大星無氣變爲吉卜凶有氣一般評吉宿更能逢
旺相萬舉萬全功必成若遇休囚并廢沒勸君不

必進前程。

此論九星雖有吉凶，大要須逢旺相。若休囚廢沒，則不可用。

要識九星配五行，各隨八卦考義經。坎逢屬水離英火，芮柱坤艮土爲營。乾兌爲金震巽木，旺相休囚看重輕。與我同行卽爲相，我生之月誠爲旺。廢於父母休於財，囚於鬼兮真不誑。假令水宿號天蓬，相在初冬與仲冬。旺於正二休四五，其餘倣此自研窮。

武備志卷五十八 占度紀占前門玄覽二

十六

又以九星分屬五行，此旺相與曆家五行小異。急則從神緩從門，三五反覆天道亨。十干加伏若加錯，入庫休囚吉事危。十精爲使用爲貴，起官天乙用無違。

三奇各有得使者，但看本時旬首。如甲子甲申，則丙得使，乙丁倣此。

天目爲客地爲主，六甲推兮無差理。勸君莫失此玄機，洞澈九宮扶明主。官制其門不爲迫，門制其官是迫凶。

如景門臨坎之類，是宮制門，不忌。如休門臨離，是門制宮，謂之迫乃凶。

天網四張無路走，一二網低有路通。三至四宮行入墓，八九高強任西東。

六癸臨時干謂之天網。若在一宮二宮尺寸低，宜匍匐出門。若在三四宮正有碍，若在八九宮，則過高不妨矣。

節氣推移時候定，陰陽順逆要精過。三元積數成六紀，天地未成有一理。請觀歌裡精微訣，非是賢

武備志卷五十八 占度紀占前門玄覽二

十七

人莫傳與。